



ORDENANZA Nº 23:

**ORDENANZA FISCAL REGULADORA DAS
TAXAS POLA PRESTACIÓN DO
SERVIZO DAS ESCOLAS DE PRIMEIRA ETAPA DE
EDUCACIÓN INFANTIL.**

—ANO 2019—



ARTIGO 1.- FEITO IMPOÑIBLE

Constituirá o feito impoñible destas taxas a prestación do Servizo das escolas de primeira etapa de Educación Infantil.

ARTIGO 2.- SUXEITOS PASIVOS

Serán suxeitos pasivos, obrigados ó pagamento das taxas reguladas na presente Ordenanza os pais, nais, titores, titoras ou representantes legais dos nenos e nenas.

ARTIGO 3.- EXENCIÓNS E BONIFICACIÓNS

1. Estarán exentos das taxas reguladas na presente ordenanza, os nenos e nenas que pertencen a familias con ingresos brutos anuais per capita inferiores a 3.934 €. A titularidade de Bens Inmóveis de Natureza Urbana, a excepción da vivenda na que residen, non deberá superar un valor catastral total de 49.305 €.

Para a determinación dos Ingresos Brutos anuais per cápita teranse en conta as seguintes normas:

1.1 O ingreso bruto anual per cápita calcularase dividindo a totalidade dos ingresos brutos anuais da unidade familiar entre o número de integrantes. No caso dun menor de 25 anos cun grao de discapacidade superior ao 65% computarase como se foran dúas persoas. No caso de que o grao de discapacidade estivese entre 33% e 65% computarase como 1,5.

1.2 No caso de que o/a pai, nai, titor/a sexa unha persoa vítima de violencia de xénero acreditada mediante sentenza firme, aplicarase aos seus ingresos brutos o coeficiente 0,35. Este coeficiente será de aplicación durante os primeiros 5 anos contados dende a data da sentenza.

1.3 No caso de que o/a pai, nai, titor/a sexa un/a titor/a monoparental, único perceptor de ingresos e os fillos non tiveran rematado o ensino obrigatorio, aplicarase aos ingresos brutos o coeficiente 0,55.

Poderá aplicarse este coeficiente no caso de que os fillos percibiran prestacións de carácter público con motivo de discapacidade, invalidez e similares.

1.4 No caso de que o/a pai, nai, titor/a levasen en situación de desemprego mais de 22 meses ininterrompidos, aplicarase aos seus ingresos brutos un coeficiente do 0,35.

Para o disfrute desta exención debera solicitarse expresamente e autorizar ao Concello para que recabe a información sobre os ingresos de todos os integrantes da familia á AEAT e a outras administracións públicas e aportar certificado de discapacidade se é o caso.



2. Terá unha bonificación do 35% no importe das taxas o alumnado que só poida ser admitido polo Concello de Vigo en horario reducido e diferente do solicitado. Esta bonificación aplicarase durante o tempo no que persista esta situación excepcional

3. Estarán exentos do pagamento das taxas reguladas nesta ordenanza os nenos e nenas que pertencen a familias numerosas que contén con ingresos brutos anuais, per capita inferiores a 6.155 €.

O ingreso bruto anual per cápita calcularase dividindo a totalidade dos ingresos brutos anuais da unidade familiar entre o número de integrantes. No caso dun menor de 25 anos cun grao de discapacidade superior ao 65% computarase como se foran dúas persoas. No caso de que o grao de discapacidade estivese entre 33% e 65% computarase como 1,5.

Para desfrutar desta exención deberán achegarse á solicitude os seguintes documentos:

- Título de familia numerosa vixente a 1 de xaneiro do exercicio en que deba surtir efectos a exención.

- Autorización ao Concello para que recabe a información sobre os ingresos de todos os integrantes da familia da AEAT e outras administracións públicas.

- Certificado de discapacidade se é o caso.

4. Agás o disposto no apartado anterior así como en normas con rango de Lei ou Tratados Internacionais, non se admitirán outros beneficios fiscais nas taxas obxecto desta Ordenanza fiscal.

ARTIGO 4.- COTAS

As cotas tributarias relativas as taxas reguladas nesta Ordenanza determinaranse con arranxo ás seguintes tarifas:

	MATRÍCULA	MENSUALIDADE
Por cada nena ou neno pertencente a unidade familiar con renda per cápita mensual entre 290,00 € e 320,00 €.	24,80	24,80
Por cada nena ou neno pertencente a unidade familiar con renda per cápita mensual entre 320,01 € e 391,00 €.	49,60	49,60
Por cada nena ou neno pertencente a unidade familiar con renda per cápita mensual entre 391,01 € e 461,00 €.	74,40	74,40
Por cada nena ou neno pertencente a unidade familiar con renda per cápita mensual entre 461,01 € e 534,00 €.	99,20	99,20



Por cada nena ou neno pertencente a unidade familiar
con renda per cápita mensual superior a 534,00 €. 124,00 124,00

ARTIGO 5.- DEVENGO E INGRESO.

1. As taxas reguladas na presente Ordenanza devengarase co inicio da prestación do servizo entendéndose por tal, o momento da matriculación.

2. O período impositivo será mensual.

3. No momento de formalizar a matrícula, os suxeitos pasivos contribuíntes deberán ingresar o seu importe e a primeira mensualidade mediante a autoliquidación aprobada para o efecto.

Nese momento deberase acreditar que o suxeito pasivo contribuínte non ten débedas pendentes de pagamento por esta taxa.

4. As cotas correspondentes aos meses posteriores serán efectivas, mediante domiciliación bancaria, o día 10 de cada mes ou inmediato hábil seguinte.

No suposto de que a domiciliación dunha mensualidade fora devolta por causa imputable ao titular da conta de cargo, iniciarase o período executivo, coas consecuencias legais correspondentes, pola mensualidade non pagada.

A devolución dunha mensualidade non suporá a baixa da domiciliación das vindeiras.

ARTIGO 6.- INFRACCIÓN E SANCIÓNS

No relativo as infraccións tributarias desta ordenanza así como a súa cualificación e sancións, estarase ó disposto na Ordenanza Fiscal Xeral, Lei Xeral Tributaria, e restante normativa de aplicación.

DISPOSICIÓNS FINAIS

1ª. No non previsto nesta ordenanza será de aplicación a Ordenanza Fiscal Xeral, a Lei 58/2003 Xeral Tributaria, e a restante normativa de aplicación.

2ª. Esta ordenanza entrará en vigor o día da súa publicación no Boletín oficial da provincia e comezará a aplicarse o 1 de xaneiro de 2017, permanecendo en vigor en tanto non se acorden a súa modificación ou derogación expresas.

PUBLICACIÓNS B.O.P.: 16 DE NOVIEMBRE DE 1999
 27 DE DICIEMBRE DE 2000
 30 DE NOVIEMBRE DE 2001
 26 DE DICIEMBRE DE 2002



30 DE DECEMBRO DE 2003
30 DE DECEMBRO DE 2006
10 DE DECEMBRO DE 2007
10 DE DECEMBRO DE 2008
11 DE DECEMBRO DE 2009
30 DE OUTUBRO DE 2014
12 DE DECEMBRO DE 2016